

26.1.2026
Siaran Media

DATO' IR. PATHMANATHAN K.
CEO, PBAHB dan PBAPP.

PERINGATAN: SILA SIMPAN AIR UNTUK KEGUNAAN PADA 28.1.2026 DAN 29.1.2026 DI SPU DAN SPT

- **Tiada gangguan bekalan air berjadual (SWSI) bagi kerja penyambungan akhir Saluran Paip Menyeberangi Sungai Perai yang kedua di Sungai Dua.**
- **Langkah berjaga-jaga: Kira-kira 26,000 pengguna air di Seberang Perai Utara (SPU) dan Seberang Perai Tengah (SPT) disarankan supaya menyimpan air secukupnya untuk kegunaan selama 24 jam.**

PULAU PINANG, Isnin, 26.1.2026: Pengguna air di Pulau Pinang yang tinggal di kawasan berikut adalah diingatkan supaya menyimpan air secukupnya untuk kegunaan selama 24 jam, bermula dari hari Rabu, 28.1.2026 hingga Khamis, 29.1.2026:

- **Seberang Perai Utara (SPU):** Sungai Dua
- **Seberang Perai Tengah (SPT):** Alma, Bukit Mertajam (termasuk Pekan Bukit Mertajam), Bukit Minyak, Bukit Teh, Cherok Tokun, Kampung Baru, Kampung Kota, Kota Permai, Machang Bubok, Padang Lalang, Penanti, Permatang Pasir, Sungai Rambai, Taman Bukit, Taman Bukit Indah and Taman Sentosa.

PBAPP akan melaksanakan kerja-kerja penyambungan akhir bagi Saluran Paip Menyeberangi Sungai Perai kedua (SP-RCP ke-2) berhampiran Restoran Sri Tambang dan Restoran Aur Gading di Sungai Dua pada 28.1.2026.

Teknologi "*hot tapping*" dan "*line stopping*" akan digunakan bagi mengelakkan penutupan saluran paip yang membekalkan air terawat dari Loji Rawatan Air (LRA) Sungai Dua kepada kira-kira 26,000 pengguna air.

Sehubungan itu, tiada gangguan bekalan air berjadual (SWSI) akan dilaksanakan di Pulau Pinang.

Dengan lain perkataan, kerja-kerja penyambungan akhir SP-RCP ke-2 ini dijangka tidak menjejaskan perkhidmatan bekalan air di Seberang Perai Utara (SPU) dan Seberang Perai Tengah (SPT).

Walau bagaimanapun, ini merupakan kali pertama teknologi “*hot tapping*” dan “*line stopping*” digunakan dalam kerja penyambungan akhir bagi bahagian saluran paip utama berdiameter 900mm di Pulau Pinang.

Sebagai langkah berjaga-jaga, PBAPP memohon kerjasama para pengguna air di SPU dan SPT supaya menyimpan air untuk kegunaan selama 24 jam, sekiranya berlaku sebarang perkara yang tidak dijangka.

PBAPP akan mengemas kini perkembangan kerja-kerja penyambungan akhir SP-RCP ke-2 melalui laman *Facebook* rasmi PBAPP dari semasa ke semasa. Pengguna yang mengalami sebarang masalah bekalan air di SPU atau SPT pada 28.1.2026 atau 29.1.2026 boleh menghubungi Pusat Panggilan 24 jam kami di talian 04-255 8 255.

Terima kasih.

Dikeluarkan oleh : Syarifah Nasywa bt Syed Feisal Barakbah
Seksyen Komunikasi Korporat
Email : comms@pba.com.my



28 - 29 Januari 2026 | Kerja-kerja penyambungan akhir untuk Saluran Paip Penyeberangan Sungai Sungai Perai Ke-2.
28 - 29 January 2026 | Final connection works for the second Sungai Perai River-Crossing Pipeline.

© PBAPP 2026



28 - 29 Januari 2026 | Kerja-kerja penyambungan akhir untuk Saluran Paip Penyeberangan Sungai Sungai Perai Ke-2.
28 - 29 January 2026 | Final connection works for the second Sungai Perai River-Crossing Pipeline.